

Sastanak direktora Federalne uprave za geodetske i imovinsko-pravne poslove s predsjedavajućim Predsjedništva BiH

03.11.2015 10:20



Direktor Federalne uprave za geodetske i imovinsko-pravne poslove Željko Obradović sastao se s predsjedavajućim Predsjedništva BiH dr. Draganom Čovićem. Tema razgovora bila je stanje u sektoru zemljišne administracije Federacije BiH te status graničnih pitanja BiH sa susjedima. Direktor Obradović je upoznao predsjedavajućeg dr. Čovića o trenutnim aktivnostima geodetskog i katastarskog sektora u Federaciji BiH, kao i o budućim planovima, posebno u dijelu izgradnje infrastrukture prostornih podataka. Bosanskohercegovačka strana u pregovorima o graničnim pitanjima sa susjedima ima aktivnu ulogu imajući u vidu bitnost rješavanja ovih pitanja kako za BiH, tako i za naše susjedne zemlje. Predsjedavajući dr. Čović je posebno pozitivnim ocijenio potpisani Ugovor o granici s Crnom Gorom, koji će vjerovatno biti potpora nastavku i rješavanju graničnih pitanja i s drugim susjednim zemljama.

